



ワ 4
6644
5



74
6644
5



大清通禮卷之十 禮官一人 禮官

吉禮 凡于西向東向 燕居 春祭於以

傳心殿

經筵致祭

傳心殿之禮。

傳心殿內。

皇師伏羲氏正位南向。

皇師神農氏。

皇師軒轅氏。

大清通禮

卷十

<99-1262>

帝師陶唐氏。

帝師有虞氏。

王師夏王禹。

王師商王湯。

王師周文王。

王師周武王左右分序均南向。

先聖周公東位西向。

先師孔子西位東向。歲以春秋仲月。

皇帝御經筵之日遣官一人祇告如

特行崇典則

皇帝親詣行禮。太常寺豫日以祝版送內閣恭書。祝文翰林院隨

時撰先一日司祝由太常寺恭奉祝版導以御仗送

至

傳心殿祝版房設於案跪叩如儀。祀日昧爽所司潔除

殿內外展

神幄工部司官藉欒薦太常寺卿率屬具器陳

皇師。

帝師。

王師位前各設一案。每案劍一。邊二。豆二。前設香案一。陳
鑪一。鐙二。

先聖。

先師位前。每案劍一。邊二。前設香案一。陳鑪一。鐙二。殿中
設一案。少西北向。供祝版。東設一案。西向。陳禮神制
帛十。色白。香盤六。爵十有八。尊二。西設一案。東向。陳禮
神制帛一。色白。香盤五。尊一。爵十有五。凡帛正位同。篚
東西位各異。篚。凡尊實酒。承以舟。疏布幕。勺具。乃辨
位。

皇帝拜位在殿內正中。北向。鑾儀衛司拜褥官立於

皇帝拜位之左。稍後。太常寺司祝立祝案。西。東面。司香立

東西案後。負序。東西面。典儀立殿門外之東。西面。記

注官立殿門外之西。東面。掌燎官率燎人立於東門

外。燎鑪之隅。日出前三刻。司祝詣

傳心殿。祝版房。恭奉祝版。安於祝案。司爵揭尊。罍。勺。挹

酒。實爵。司帛奉篚。司爵奉爵。進至各

神位前。奠於案。司拜褥官豫布拜褥於殿門內正中。各退

太常寺卿赴

乾清門奏時。

皇帝御補服乘輿出宮前引後扈如常儀。

駕至文華門內東門降輿前引內大臣侍衛均止立後扈

大臣隨侍右贊引左對引太常寺卿二人恭導

皇帝由殿垣西門入

景行中門陞中階進殿中門至拜位前北向立典儀贊

執事官各共迺職贊引奏就位

皇帝就位立司香各奉香盤詣

神位前祇候贊引奏就上香位及對引官恭導

皇帝詣

皇師伏羲氏香案兩對引官至祝案前止立司香跪進香

贊引奏上香

皇帝上炷香三上瓣香畢以次詣各

神位前上香如前儀贊引奏復位及對引官恭導

皇帝復位立奏跪拜興

皇帝行二跪六拜禮興司祝詣祝案前跪三叩奉祝版跪

案左贊引奏跪

皇帝跪贊讀祝司祝讀祝畢興奉祝版跪安

神位前篚內三叩興退贊引奏拜興。

皇帝行三拜禮興又奏跪拜興。

皇帝行二跪六拜禮興典儀贊奉祝帛送燎司祝司帛詣

神位前咸跪三叩司祝奉祝司帛奉篚興司香跪奉香興

以次由中道出恭送燎所

皇帝轉立拜位東西向司拜禱官俟祝帛過仍布

皇帝復位立贊引奏禮成及對引官恭導

皇帝出殿中門降中階詣

文華殿。

御經筵進講儀詳嘉禮畢乘輿還官執事官以次退

右祇告儀

遣官致祭

傳心殿贊引太常寺贊禮郎二人引承祭官入殿垣東

門循

景行門東夾道至殿門外階下正中行禮上香出入殿

左門祝帛送燎承祭官避立西旁東面餘如儀

右遣官儀

月朔望太常寺卿一人率屬詣

傳心殿具器陳設酒果上香行禮如儀

右常祀儀

大清通禮卷之十一

吉禮

先師

春秋釋奠

先師孔子之禮

大成殿內

至聖先師正位南向

復聖顏子

述聖子思子東位西向

宗聖曾子

亞聖孟子。西位東向。兩序

先賢東。閔子損。冉子雍。端木子賜。仲子由。卜子商。有子若。皆西向。西。冉子耕。宰子子。冉子求。言子偃。顓孫子師。朱子熹。皆東向。兩廡

先賢東。蘧瑗。澹臺滅明。原憲。南宮适。商瞿。漆雕開。司馬耕。梁鱸。冉孺。伯虔。冉季。漆雕徒父。漆雕哆。公西赤。任不齊。公良孺。公肩定。鄒單。罕父黑。榮旂。左人郢。鄭國。原亢。廉潔。叔仲會。公西輿。如。邾。異。陳亢。琴。張。步。叔。乘。

秦非。顏噲。顏何。縣亶。樂正克。萬章。周敦頤。程顥。邵雍。西林放。宓不齊。公冶長。公皙哀。高柴。樊須。商澤。巫馬施。顏辛。曹卹。公孫龍。秦商。顏高。壤駟赤。石作蜀。公夏首。后處。奚容蒧。顏祖。句井疆。秦祖。縣成。公祖句茲。燕伋。樂欬。狄黑。孔忠。公西蒧。顏之僕。施之常。申枨。左邱明。秦冉。牧皮。公都子。公孫丑。張載。程頤。

先儒東。公羊高。伏勝。董仲舒。后蒼。杜子春。諸葛亮。王通。范仲淹。歐陽修。楊時。羅從彥。李侗。呂祖謙。蔡沈。陳淳。魏了翁。王柏。趙復。許謙。吳澄。胡居仁。王守仁。羅欽順。

西穀梁赤。高堂生。孔安國。毛萇。鄭康成。范甯。韓愈。胡
瑗。司馬光。尹焞。胡安國。張栻。陸九淵。黃幹。真德秀。何
基。陳澔。金履祥。許衡。薛瑄。陳獻章。蔡清。陸隴其。均北
上。東西向。

崇聖祠殿內中。

肇聖王木金父左。

裕聖王祈父右。

詒聖王防叔次左。

昌聖王伯夏次右。

啟聖王叔梁紇皆南向。

先賢。顏無繇。孔鯉。東位西向。曾點。孟孫氏。西位東向。

先儒。東廡周輔成。程珦。蔡元定。西向。西廡張迪。朱松年。

東向。均北上。歲以春秋仲月上丁。遣官將事。

特行崇典。則

皇帝親詣行禮。先二日。禮部尚書一人。詣犧牲所。胝牲。如
儀。

右胝牲

致齋

書祝版

眡祝版帝王廟儀均同

先一日宰人豫鑿坎於宰牲亭之西。國子監官詣香案一於宰牲亭外。光祿寺少卿一人朝服詣香案前。上香。遂及御史禮部祠祭司官國子監丞朝服。眡宰宰人割牲。以豆取毛血。瘞於坎。如常儀。

右眡割牲

將事前夕。國子監祭酒率屬潔蠲殿內外。藉以稷薦拂拭。

神座。工部司官張大次於大成門外之左。夜分。太常寺卿國子監祭酒各率其屬入。具器陳。

先師位前。牛一。羊一。豕一。登一。鉶二。簋二。籩二。邊十。豆十。

鑪一。鐙二。

四配位前。各羊一。豕一。鉶二。簋二。籩二。邊八。豆八。鑪一。

鐙二。

十二哲位前。鉶一。簋一。籩一。邊四。豆四。東西各羊一。豕

一。鑪一。鐙二。殿中設一案。少西。北向。供祝版。其南東

設一案。西向。陳禮神制帛九。色香盤四。尊三。爵二十

有七。西設一案。東向。陳禮神制帛八。香盤三。尊二。爵二十有四。凡牲陳於俎。凡帛正位四。配異篚十二。哲東西共篚。凡尊實酒。承以舟。疏布冪。勺具。東廡二位。同案。每位爵一。實酒。每案簋一。籩一。遵四。豆四。先賢案前。羊二。豕二。香案一。鑪一。鐙二。先儒案前。羊一。豕一。香案一。鑪一。鐙二。設案一於南北向。陳禮神制帛二。香盤二。尊三。虛爵六。俎篚冪勺具。西廡陳設同。

崇聖祠正位前。各羊一。豕一。鉶一。簠簋各二。遵豆各八。

鑪一。鐙二。配位前。簋一。籩一。遵四。豆四。東西羊豕各一。鑪一。鐙二。中設一案。少西。供祝版。東設一案。陳禮神制帛七。色白。香盤六。尊四。爵二十有一。西設一案。陳禮神制帛二。香盤一。尊三。爵六。兩廡東二案。西一案。每位爵一。實酒。餘陳設簠簋遵豆羊豕。鑪鐙如配位之數。各南設一案。陳禮神制帛一。香盤一。尊一。虛爵三。俎篚冪勺具。饗儀衛官。設洗於大次之外。樂部率太常協律郎。設中和韶樂於殿外兩階。金編鐘在東。玉編磬在西。皆十有六。懸以虞業。東應鼓一。祝一。

大清通志 卷十一
五
麾一。西。敵一。東。西。分。列。琴。六。瑟。四。簫。六。篴。六。篪。四。排。
簫。二。塤。二。笙。六。搏拊。二。旌。二。羽。籥。三十有六。太常寺
官設洗於

崇聖祠階下之東。如式。

右陳設

陳設畢。太常寺博士引禮部侍郎一人入廟。恭詣
大成殿。周省盞盛。及籩豆登劍之實。次詣兩廡省。畢。引詣
崇聖祠正殿。及兩廡省。如儀。

右省盞

辨行禮位。殿門內正中。爲

皇帝拜位。北向。階下甬道左右。爲分獻官拜位。正殿分獻
官六人。在前。兩廡分獻官四人在後。均北面。陪祀王
公位階上。東西各二班。百官位階下。分獻官之南。東
西各五班。重行異等。東位西上。西位東上。均北面。辨
執事位。鑾儀衛司拜褥官二人。立於

皇帝拜位之左。稍後。太常寺司祝一人。立祝案西。東面。司
香四人。司帛四人。司爵九人。立東案之東。西面。司香
三人。司帛三人。司爵八人。立西案之西。東面。侍儀禮

部尚書侍郎各一人。都察院左都御史副都御史各一人。樂部典樂一人。分立東西案之南。東西面。太常寺典儀一人。立殿左門外。西面。司樂協律郎樂工歌工。文德之舞六佾於階上。樂懸東西序立。記注官四人。於西階下序立。糾儀御史四人。禮部祠祭司官四人。引禮鴻臚寺官四人。分立王公百官拜位之次。掌燎官率燎人。立於燎鑪之隅。兩廡。國子生司香司帛司爵東西各二人。序立南案之南。均北面。承祭崇聖祠官。拜位在階下。分獻官四人。拜位在承祭官後。

讀祝拜位在殿中門檻內。均北面。太常寺司祝典儀掌燎各一人。正殿。國子官司香七人。司帛九人。司爵九人。兩廡。國子生司香司帛司爵東西各三人。立位與前儀同。

右辨位

其日五鼓。步軍統領率所部清蹕除道。自

東華門至

廟門。

御道左右塗巷。皆設布幃。鑾儀衛陳

法駕鹵簿

詳見北郊祭儀

不陪祀王公百官朝服咸會祇候

送

駕如儀日出前六刻司祝恭請祝版設於祝案太常寺卿

赴

乾清門奏時

皇帝御祭服乘禮輿出宮前引後扈如常儀

駕發警蹕

午門鳴鐘鼓

駕出東華門導迎樂前引不作執鑪鐙官左右騎導如詣

東郊之儀

右鑾輿出宮共西鄉文舞舞隊前導贊引

駕將至太常寺贊禮郎豫引四配兩序兩廡分獻官十人

於大成西側門外序立鴻臚寺官豫引陪祀王公於

廟左右門外序立候

駕至隨入引陪祀百官入大成左右側門豫於行禮位稍

南東西序立祇候

駕至廟門外降輿右贊引左對引太常寺卿二人恭導

皇帝由中門入就大次少埃太常寺卿奏請行禮

皇帝出次。盥。鑾儀衛官跪。奉盥奉巾。如儀。司拜褥官豫布拜褥於殿門內正中。贊引對引官恭導。

皇帝入大成中門。陞階。進殿中門。至拜位前。北向立。前引內大臣止立殿檐下。提鑪官執燈官侍衛均於階下止立。後扈大臣隨侍。贊禮郎引分獻官東西各五人。於甬道左右。鴻臚寺官引陪祀王公。升東西階。引百官於庭中左右。均就拜位。北面序立。典儀贊樂舞生登歌。執事官各共迺職。文舞執羽籥進。贊引奏就位。皇帝就位立。

右就次盥洗就位

典儀贊迎

神司樂贊舉迎

神樂奏昭平之章。辭曰。大哉至聖。德盛道隆。生民未有。百王是崇。典則昭垂。式茲辟雍。載虔簠簋。載嚴鼓鐘。協律郎舉麾。工鼓祝。樂作。贊引奏就上香位。及對引官恭導。

皇帝詣

先師香案前。對引官至視案前止立。司香跪進香。贊引奏

上香。

皇帝上炷香。三上瓣香畢。奏復位。及對引官恭導。

皇帝復位。奏跪拜興。

皇帝行二跪六拜禮。興。王公百官均隨行禮。協律郎偃麾。

工憂敵樂止。

凡樂以舉麾鼓祝作。以偃麾憂敵止。後同。

右迎神

典儀贊奠帛。爵行初獻禮。司樂贊舉初獻樂。奏宣平之章。辭曰。覺我生民。陶鑄賢聖。巍巍泰山。實予景行。禮備樂和。豆籩嘉靜。既述六經。爰斟三正。樂作。司樂

舉節舞羽籥之舞。

凡舞以節領之。導引進退後同。

有司揭尊。冪勺。挹

酒。實爵。正位。司帛一人奉篚。司爵一人奉爵。以次詣

先師位前。司帛跪獻篚。奠於案。三叩興。司爵獻爵。奠於墊

中。皆退。左右司香六人奉香盤。司帛六人奉篚。司爵

十有六人奉爵。進至

四配。

十二哲位前。贊禮郎引正殿分獻官。升東西側階。入殿

左右門。至各

神位前。上香。奠帛。獻爵。如儀。仍由殿左右門出。降階。復

位兩廡。司香司帛奉香盤帛筐。各進至香案前。贊禮
郎引分獻官上香奠帛。司爵由南案前奉爵。東西序
進各詣

先賢。

先儒位前。獻爵畢。皆退。復位。司祝至祝案前。跪。三叩。奉

祝版跪案左。樂暫止。贊引奏跪。

皇帝跪。羣臣皆跪。贊讀祝。司祝讀祝。辭曰。維某年月日

皇帝御名致祭於

至聖先師孔子曰。惟

師德配

天地道冠古今。刪述六經。垂憲萬年。茲當仲春秋。祇奉舊章。謹

以牲帛酒果致祭。配以

復聖顏子

宗聖曾子

述聖子思子

亞聖孟子尚

饗讀畢。興。奉祝版跪安。

先師位前。筐內。三叩。興。退。樂作。贊引奏拜興。

皇帝率羣臣行三拜禮興樂止

右初獻

典儀贊行亞獻禮司樂贊舉亞獻樂奏秩平之章辭
曰至哉聖師克明明德木鐸萬年惟民之則清酒既
醕言觀秉翟太和常流英材斯植樂作舞同正位司

爵奉爵詣

先師位前恭獻於左贊禮郎引分獻官詣

四配

十二哲兩廡隨分獻如初樂止

右亞獻

典儀贊行終獻禮司樂贊舉終獻樂奏敘平之章辭
曰猗歟素王示予物軌瞻之在前師表萬祀酌彼金
罍我酒惟旨登獻雖終弗遐有喜樂作舞同正位司

爵奉爵詣

先師位前恭獻於右

四配

十二哲兩廡均隨分獻如亞獻儀樂止文德之舞退

右三獻

典儀贊徹饌。司樂贊舉徹饌樂。奏懿平之章。辭曰。壁水淵淵。芹芳藻潔。既歆至聖。亦儀前哲。聲金振玉。告茲將徹。饜假有成。日月昭揭。樂作徹畢。樂止。

右徹饌

典儀贊送

神司樂贊舉送

神樂奏德平之章。辭曰。煌煌辟雍。四方來宗。甄陶樂育。多士景從。如土斯埴。如金在鎔。佐子敷治。俗美時雍。樂作贊引奏跪拜興。

皇帝率羣臣行二跪六拜禮。興。樂止。

右送神

典儀贊奉祝帛。饌送燎。司祝。司帛詣

先師位前。咸跪。三叩。司祝奉祝。司帛奉篚。興。司香跪奉香。

司爵跪奉饌。興。以次由中道出。恭送燎所。

皇帝轉立拜位旁。西向。

司拜禱官

埃祝帛過。

仍布拜禱

皇帝復位立。四配。十二哲。兩廡。香帛。饌。均送焚燎。太常寺

贊禮郎引分獻官退。鴻臚寺官引陪祀王公百官退。

立拜位東西。樂作。贊引奏禮成。暨對引官恭導。

皇帝仍由大成中門出。陞輿。樂止。

法駕鹵簿前導。導迎樂作。奏祐平之章。辭曰。先聖垂軌。千

載。是祇。虔奉師表。景行行止。奠兩楹。神降之。啟後人。

文在茲。不陪王公百官。仍朝服。祇候

駕至。跪迎。

午門鳴鐘。樂止。王公隨。奉觶。同。升。前。與。百。香。置。奉。香。

駕入。至內金水橋。恭候

皇帝還宮。各退。太常寺官徹

乾清門齋戒牌。銅人送寺。

右禮成回鑾

崇聖祠同時遣官致祭。贊引太常寺贊禮郎。引承祭官

入祠垣左門。引分獻官隨入。承祭官詣階下。盥手。典

儀贊執事官各司其事。贊禮郎贊就位。引承祭官分

獻官就位立。典儀贊迎

神司香奉香盤。就各香案前立。贊禮郎贊升階。引承祭官

升東階。入殿左門。贊詣

肇聖王位前。贊跪承祭官跪。俯伏贊上香。司香跪奉香。承

祭官上炷香。三上瓣香畢。俯伏興。次詣左右正位前。

跪。上香儀同。退及殿左門北面揖。出降階復位。贊禮
郎引分獻官升東西階。入殿左右門。分詣配位前。跪
上香如儀。咸退及門北面揖。出降階復位。引兩庶分
獻官。分詣兩廡從位前。跪。上香揖。出復位。均如前儀。
贊禮郎贊跪叩。興。承祭官分獻官。行三跪九叩禮。興。
典儀贊奠帛。爵。行初獻禮。贊禮郎引承祭官升階。贊
詣中案前。贊跪。承祭官跪俯伏。司帛跪奉篚。承祭官
受篚。拱舉。以授司帛。興。奠於案。司爵跪奉爵。承祭官
受爵。拱舉。以授司爵。興。詣

神位前。奠於墊中。退。承祭官俯伏。興。以次詣左右正位前。
跪。奠帛。獻爵。儀同。贊禮郎贊就讀祝位。引承祭官詣
夫拜位立。司祝至祝案前。跪。三叩。奉祝版。跪案左。贊跪
夫承祭官。分獻官皆跪。贊讀祝。司祝讀祝。辭曰。維某年

六月日。

皇帝遣某官某致祭於

肇聖王。

裕聖王。

貽聖王。

昌聖王。

啟聖王曰惟。

王誕生至聖。為萬世王者之師。功德顯著。茲當仲春。謹以

庶品之儀致祭。配以

先賢顏氏。

先賢曾氏。

先賢孔氏。

先賢孟孫氏。尚

饗。讀畢。興。奉祝版。跪安。

肇聖王位前。篚內三叩。興。退。贊禮郎贊叩。興。承祭官分獻

官行三叩禮。興。贊復位。引承祭官退。及殿左門。北面

揖。出降階。復位。贊禮郎引正殿分獻官升東西階。入

殿左右門。詣配位前。引兩廡分獻官。分詣兩廡。從位

前。跪俯伏。奠帛。獻爵。俯伏。興。退。及門。揖。出。復位。均如

正獻儀。亞獻各獻爵於左。終獻各獻爵於右。均如初

儀。典儀贊徹饌。有司徹饌畢。贊送

神贊禮郎贊跪叩。興。承祭官分獻官行三跪九叩禮。興。典

儀贊奉祝帛。饌送燎。司祝司帛司香司爵各奉祝帛

大清通志 卷十一
香饌以次恭送燎位。如儀。承祭官避立西旁。俟道復位。贊禮郎引詣燎所視燎。贊禮畢。仍引由祠垣左門出。各退。

右崇聖祠祭儀

每歲遣官釋奠於先師。承祭官分獻。官暨陪祀官均致齋。二日。豫期。祗牲。祗割牲。皆如前儀。先一日。太常寺官具祝版。送內閣。恭

書

皇帝遣某官某致祭。餘辭同前。受而供諸廟內。祝案行禮。

如儀。祭日。陳設牲。帛器數如前儀。設福胙於殿內東案。尊爵之旁。加爵一。設洗於階下之東。禮部侍郎省盥。如儀。承祭官。大學拜位在階下。親王。郡王讀祝。受福胙。拜位在殿中門檻內。分獻官在甬道左右。陪祝官在廟庭左右。均北面。司香。司帛。司爵。大成殿正位配位。以國子監丞。助教學正。學錄等官充。兩序兩廡暨崇聖祠殿廡。均以國子生充。序位如前儀。奉福胙。國子生二人。立於東案之東。西面。接福胙。國子生二人。立於西案之西。東面。鵝初鳴。承祭官分獻官豫集。

於持敬門均致齋所。太常寺贊禮郎十有四人。俟於持敬門內。均朝服。昧爽。贊禮郎二人。引承祭官。自左側門入。親王郡王入大成右門。又四人。分引兩序分獻官。又八人。分引兩廡分獻官。隨入。至階東。盥手畢。詣拜位前立。鴻臚寺官引陪祀官。咸詣拜位序立。典儀贊樂舞生登歌。執事官各共迺職。文舞六佾進。贊禮郎贊就位。引承祭官分獻官就位立。典儀贊迎。

神。司樂贊舉迎。

神樂。奏昭平之章。

樂辭見前。後仿此。

樂作。贊禮郎贊就上香位。引

承祭官升東階。入殿左門。贊詣

先師香案前。贊跪。承祭官跪。俯伏。贊上香。司香跪奉香。承

祭官三上香。畢。俯伏。興。以次詣

四配位前。跪。上香。儀同。贊復位。引承祭官退及殿左門。

北面。揖。出。降階。復位。初迎。

神時。贊禮郎分引東西序分獻官各一人。升東西階。入殿

左右門。詣

十二哲位前。跪。上香。退及門。北面。揖。出。降階。復位。引兩

廡分獻官東西各二人。分詣

先賢。

先儒位前跪。上香。揖。出復位。均如前儀。贊禮郎贊跪。叩興。承祭官分獻官暨陪祀官行三跪九叩禮。興。樂止。典儀贊奠帛。爵。行初獻禮。奏宣平之章舞羽籥之舞。樂作。贊禮郎引承祭官升階。贊詣。

先師位前贊跪。承祭官跪。俯伏。司帛跪奉篚。承祭官受篚。拱舉以授司爵。興。奠於案。司爵跪奉爵。承祭官受爵。拱舉以授司爵。興。奠於塾中。退。承祭官俯伏。興。贊禮郎贊就讀祝位。引承祭官至殿中拜位。立。贊跪。承祭

官分獻官暨陪祀官皆跪。贊讀祝。司祝跪讀祝。如儀。承祭官分獻官暨陪祀官均行三叩禮。興。贊禮郎引承祭官以次詣。

四配位前跪。奠帛。獻爵。儀同。退及殿左門北面揖。出。降階。復位。贊禮郎分引兩序分獻官升東西階。入殿左。右門。詣。

十二哲位前跪。俯伏。奠帛。獻爵。俯伏。興。退及門。北面揖。出。降階。復位。均如儀。引兩廡分獻官分詣。

先賢。

先儒位前。奠帛。獻爵。揖。出。復位。儀同。樂止。亞獻。奏秩平

之章。舞同初獻樂作。贊禮郎引承祭官升階。贊詣

先師。暨四配位前。奠爵於左如初。兩序兩廡隨分獻。畢。均

復位。樂止。終獻。奏敘平之章。舞同亞獻樂作。引承祭官升

階。奠爵於右。如亞獻儀。兩序兩廡隨分獻。畢。均復位

樂止。文德之舞退。典儀贊飲福受胙。贊禮郎贊詣受

福胙位。引承祭官至殿中拜位立。奉福胙二人自東

案奉福胙。至

先師位前。拱舉。退立於承祭官之右。接福胙二人。自西案

進立於左。贊禮郎贊跪。承祭官跪。贊飲福酒。右一人

跪。遞福酒。承祭官受爵。拱舉。以授於左。接以興。次受

胙。如飲福之儀。贊叩興。承祭官三叩興。贊復位。引承

祭官退及殿左門北面揖。出降階。復位。贊跪。叩興。承

祭官分獻官暨陪祀官。均行三跪九叩禮。興。典儀贊

徹饌。奏懿平之章。樂作。徹畢。樂止。贊送

神。奏德平之章。樂作。贊禮郎贊跪。叩興。承祭官分獻官暨

陪祀官。行三跪九叩禮。興。樂止。典儀贊奉祝帛饌。送

燎。有司各奉祝帛香饌。恭送燎所。如儀。承祭官避立

拜位西旁。埃過復位。樂作。贊禮郎引承祭官詣燎所。視燎畢。仍引由左側門出。樂止。陪祀各官皆退。

崇聖祠正殿及兩廡陳設。承祭官分獻官。行禮儀節同前。

右遣官釋奠儀

皇帝臨雍講學。

親釋奠於

先師之禮。既諫吉。先二日。

皇帝乃齋。王員勅員子。公文三品武二品以上官。翰林院

詹事府四品以下。七品以上。國子監官。衍聖公。及五

經博士。陪祀至京者咸致齋。

右致齋

眡牲

眡割牲 與上丁釋奠禮同。

至日夜分。太常寺卿國子監祭酒率其屬入。具

大成殿及兩廡陳設。不供祝版。餘器數。與上丁禮同。

右陳設

省齋 與上丁釋奠禮同。

辨行禮位

皇帝拜位。在殿門內正中北向。分獻官位階下甬道左右。陪祀王公位階上。東西各二班。百官位階下分獻官之南。翰林詹事官七品暨國子監官均陪祭。東西各七班。翰林詹事在東。國子官在西。行聖公。在東班之首。五經博士。孔氏族五人。顏曾等氏族各二人。與見官京師者。在東班官之末。均北面。餘執事官序位。與上丁禮同。

右辨位

鑾輿出宮

與上丁釋奠禮同。

駕將至。國子監祭酒司業率屬朝服。國學生吉服。序列於成賢街道左跪迎。

駕至廟門外。降輿。右贊引左對引。太常寺卿二人恭導。皇帝由中門入。就大次。少埃。太常寺卿奏請行禮。皇帝出次。盥畢。入大成中門。陞階。入殿中門。就位。國子監官。由西側門入。暨陪祀王公百官均就拜位序立。如上丁釋奠之儀。

右就次盥洗就位

典儀贊迎

神司樂贊舉迎

神樂奏昭平之章。辭見前。協律郎舉麾。工鼓祝。樂作。贊引奏

跪拜興。

皇帝行二跪六拜禮。王公百官均隨行禮。協律郎偃麾。工

憂敵樂止。凡樂以舉麾鼓祝作。以偃麾憂敵止。後同。典儀贊行釋奠禮。司

樂贊舉奠獻樂。奏宣平之章。辭見前。樂作。有司揚尊。舉

勺挹酒。實爵。司帛奉篚。司爵奉爵。以次恭就

皇帝之右。司帛跪進篚

皇帝受篚。拱舉。授司帛。接以興。奉詣

先師位前。跪。獻於案。退。司爵跪進爵。

皇帝受爵。拱舉。授司爵。接以興。奉詣

先師位前。奠於正。中退。贊禮郎引正殿分獻官。升東西階。

入殿左右門。詣

四配。

十二哲位前。奠帛。獻爵。如儀。出降階。復位。引兩廡分獻

官詣

先賢。

先儒位前奠帛獻爵出復位均如儀樂止典儀贊送神司樂贊舉送

神樂奏德平之章辭見前樂作贊引奏跪拜興

皇帝率羣臣行二跪六拜禮興典儀贊奉帛送燎司帛詣先師位前跪三叩奉篚興由中道出送燎贊禮郎引分獻鴻臚寺官引陪祀王公百官退立拜位兩旁贊引奏禮成暨對引官恭導

皇帝出殿中門降中階至大成門外入大次更衣樂止

皇帝出次陞輿詣彝倫堂講書儀詳嘉禮畢還宮

右講學釋奠儀

月朔釋菜之禮正獻國子監祭酒兩序兩廡以所屬監丞博士助教學正學錄分獻司香司爵引贊通贊以肄業諸生執事其日夙興國子監典簿啟殿門及東西廡門率廟戶潔掃內外展神幄拂拭神案每案陳菜羹栗各一豆鑪一鏡二設案一於殿內之東陳香盤七尊一每位爵一又設案於東西兩廡之南各陳香盤三尊一每位爵一凡尊實酒冪勺具司香司爵立於案旁設洗於階下之東通贊二人立於殿內

東西楹二人。立於殿外東西階上。皆公服。質明。祭酒率屬朝服。諸生吉服。集於持敬門內。引贊引由大成東側門入。及廟庭。通贊贊就位。成就位。北面立。祭酒司業爲一班。師儒以位序。諸生以齒序。成列於後。通贊贊跪叩。與祭酒以下。行三跪九叩禮。與贊行釋菜禮。引贊引祭酒詣階東。盥手。升東階。入殿左門。詣先師位前。司香奉香盤。從引贊贊跪。祭酒跪。俯伏。通贊贊上香。司香跪奉香。祭酒三上香。俯伏。與退詣尊案前。眡注酒。司爵舉罍。酌酒。實爵。引贊引祭酒復詣

先師位前。司爵執爵。從引贊贊跪。祭酒跪。俯伏。通贊贊獻爵。司爵跪奉爵。祭酒受爵。拱舉。以授司爵。與獻於正中。退。祭酒俯伏。與。以次詣

四配位前。跪。上香。獻爵。儀同。贊復位。引祭酒退。及殿左門。北面揖。出。降階。復位。初迎。

神時。引贊引兩序分獻官二人。盥手。升東西階。入殿左右門。詣

十二哲位前。跪。俯伏。上香。獻爵。俯伏。與退。及門北面揖。出。降階。復位。均如儀。兩廡引贊引分獻官二人。盥手。

詣

先賢。

先儒位前。跪。上香。獻爵。揖。出。復位。儀同。通贊贊跪。卽。興。祭酒率屬及諸生。均行三跪九叩禮。畢。各退。

崇聖祠。正獻國子監司業。兩廡。以助教。學正等官各一人分獻。執事以諸生。行禮儀節同。

歲屆賓興。

殿試臚傳後。諸進士誦吉。詣國學釋褐。乃釋菜於

先師。第一甲一名。進士。正獻。二名。三名。進士。兩序分獻。二

甲一名。三甲一名。進士。兩廡分獻。執事以國子監肄業生。是日清晨。引贊引諸進士公服入廟。上香。行一獻禮。陳設及行禮儀節。均與月朔釋菜禮同。

右釋菜儀

望日。上香之禮。國子監典簿拂神案。然燈。設香盤於殿內。及兩廡各案。肄業生司香各一人。立於案前。設洗於階東。質明。祭酒。司業率屬朝服。諸生吉服。入大成。左側門階下就位。如釋菜之儀。通贊贊行上香禮。引贊引司業盥手。升東階。入殿左門。詣

先師位前引贊贊跪。司業跪。俯伏。通贊贊上香。司香跪奉香。司業三上香。俯伏。與引詣。

四配位前。以次跪上香。畢。贊復位。引司業退。及殿左門。北面揖。出降階。復位。引贊引助教二人。盥手。升階。分詣兩序。

十二哲位前。跪上香。退及門。北面揖。出降階。復位。均如儀。引學正二人。盥手。分詣兩廡。

先賢。

先儒位前。跪上香。揖。出復位。儀同。通贊贊跪。叩。與祭酒。

司業以下。行三跪九叩禮。畢。各退。

崇聖祠正殿。以助教一人上香。兩廡。以典簿典籍各一人上香。儀同。

右上香儀。

因事祇告之禮。遣官一人將事。暨執事官。均致齋一日。豫期。太常寺設案一於。

大成殿內正中。少西北向。翰林院具祝文。隨事撰擬太常寺卿。

送內閣恭書。受而供諸殿內案上。行禮如儀。至日。

先師位前。陳鹿脯。鹿醢。兔醢。榛栗。葡萄。桃實。蓮實。鑪。鐙具。

設案一於東陳禮神制帛一。香盤一。尊一。爵三。太常寺司祝一人。立於案西。東面。司香一人。司帛一人。司爵一人。立於案東。西面。設洗於階下之東。鷄初鳴。承祭官豫埃於持敬門內齋所。贊引太常寺贊禮郎二人。埃於門內。均朝服。贊明引承祭官。自大成東側門入。盥手就位。上香。讀祝行三獻禮。升降進退。均與春秋上丁遣官禮同。

右因事祇告

皇帝東巡詣闕里

親釋奠

先師孔子之禮。豫期。衍聖公率博士潔掃

大成殿內外。分獻官扈從王。公文官。郎中。武官。叅領以上。地方文官。知府。武官。副將以上。衍聖公暨十三氏五經博士。咸與祭。先一日。

皇帝乃齋與祭百官畢齋。

行在太常寺官具祝版。送內閣中書舍人。敬繕祝文。翰

院隨時撰擬。於版。大學士。八。公服。恭書

御名。以授太常寺官。豫奉陳於廟內。如儀。

右具祝版

祗割牲

儀與祭
帝王陵寢同

祭之前夕。工部司官張大次於奎文閣前。鑾儀衛官設洗於次外。夜分。太常寺卿率屬入廟。陳樂懸於殿階上。陳文德之舞。六佾於樂懸之次。遂及守土官詣

大成殿

崇聖祠。暨前後兩廡。供具。陳設器數。與太學釋奠禮同。辨行禮位。

皇帝拜位在

大成殿內正中。北向。武備院官司拜禱一人。立於拜位之

左。分獻官。位杏壇下。陪祀王公。位杏壇上。文官。位廟

庭左。直東階下。武官。位廟庭右。直西階下。地方官。以

其班列於朝官之次。衍聖公。位東朝官之首。五經博

士。位東朝官之末。均北面。辨執事位。記注官四人。侍

儀。禮部尚書一人。或侍郎都察院左都御史一人。或

都御史。樂部典樂一人。糾儀御史。禮部祠祭司官。各

二人。引禮。鴻臚寺官四人。太常寺典儀一人。司樂。協

律郎。樂工。歌工。舞佾。殿內司祝。司香。司帛。司爵。太常

寺官兩廡執事生各以其職為位。掌燎官率燎人立

燎鑪前。均如太學之儀。承祭

崇聖祠官。王公位階上。大學士以下。兩廡博士分獻。位階

皆位階下。下。執事生以職為位。與太學禮同。

右供張陳設序位

將事之日。守土大吏率屬治道清蹕。鑾儀衛陳

騎駕鹵簿。詳軍禮。於

行在宮門外。領侍衛內大臣及內大臣勒所部翊衛官。

護軍統領宗人府王公勒所部後管官均采服。於

行宮門外祇候。不陪祭。扈從官序列

行宮門前候

駕出。跪送。屆時。太常寺卿赴

行宮奏請詣廟。

皇帝龍袍補服。乘輿出宮。前引後扈。如常儀。

右鑾輿出行宮

駕將至。衍聖公率十三氏五經博士。及不陪祭之守土官

序立廟門前道左。跪迎。鴻臚寺官引陪祭王公。序立

於奎文閣前。內外各官。文由東金聲門入。武由西玉

振門入。序立於廟庭左右。均東西面。太常寺贊禮郎引分獻官序立於玉振門外。執事官豫入殿庭就位。均采服。

駕至由廟中門入。至同文門奎文閣前。降輿。右贊引左對引太常寺卿二人恭導。

皇帝入大次。少俟。太常寺卿奏請行禮。

皇帝出次。盥。鑾儀衛官跪奉盥奉巾。如儀。司拜禱官豫布拜禱於

大成殿門內正中。贊引對引官恭導。

皇帝自奎文閣步入大成中門。陞中階。詣殿中拜位前。北向立。內大臣侍衛止立階下。後扈大臣隨侍。王公於侍衛後隨入。由東西階升詣杏壇上。分獻官入玉振門詣杏壇下。衍聖公率五經博士入金聲門。及百官就拜位。均北面。東西序立。東班西上。西班東上。典儀贊執事官各共迺職。贊引奏就位。

皇帝就位迎神。上香。初獻。讀祝。亞獻。三獻。送神。徹燎。樂章。樂舞。及行禮儀節。與太學釋奠同。

崇聖祠遣官同時致祭。並如太學之禮。

右致祭儀

致祭禮成。贊引對引恭導。

皇帝出殿門。降中階。至奎文閣前。乘輿詣詩禮堂講書。

儀詳

嘉禮是日。工部司官豫張大次於毓粹門內。光祿寺官

設案一於

孔林露臺正中。設奠池於案上。武備院官設拜褥於奠案

之前。

皇帝講書畢。祇謁

孔林。衍聖公率十三氏五經博士及不陪祭之守土官於

毓粹門外道左候

駕出跪送。

皇帝由承聖門出詣大次。更常服少埃。步出毓粹門。乘輿

前導後扈。如常儀。扈從王公以下三品文武官以上

豫往享堂垣門外序立。衍聖公率孔氏子孫通仕籍

者及不陪祭之守土官均常服。豫往觀樓門道左候

駕至跪迎。

駕至孔林大門外內大臣侍衛。咸下馬導從。過洙水橋。至

享堂垣門前。降輿。禮部尚書侍郎恭導。

皇帝由中門入。陞中階。詣露臺拜位。後扈大臣隨侍奉爵。內大臣一人立於左。內務府官司壺一人奉壺。司爵一人奉爵。立內大臣之下。鴻臚寺官引王公百官。隨自左右門入。王公夾階下。左右文武大臣侍衛於庭中。左右立衍聖公及族人陪位。如在廟之序。皇帝跪。王公以下皆跪。司壺舉壺酌酒。司爵以爵承酒。授內大臣。內大臣自左奉爵跪。恭進。皇帝興。少退立。

皇帝拱舉酌酒奠池中。內大臣跪受虛爵。興。退。皇帝行一拜禮。羣臣隨行禮。再酌三爵。酌酒進酒。

皇帝率羣臣各行一拜禮。均如初興。內大臣及執壺爵者退。鴻臚寺官豫引王公大臣侍衛於享堂垣門外之東序位。衍聖公率其族暨不陪祭守上官仍於觀樓門道左祇候。

駕出跪送。禮部尚書侍郎恭導。

皇帝降中階。出中門。乘輿還。

行宮不陪祭。扈從官跪迎。如來儀。

石謁孔林

慶與遣官致祭之禮。豫期有司。訛遣官吉日。太常寺具禮。

神香祝。祝文翰林院隨事撰擬。制帛一。送禮部封題。授遣官齋。

往。詳載徧祭帝王陵寢儀。遣官至。

里衍聖公飭官屬潔廟宇內外。備執事人。司祝。司香。

司帛。司爵。以五經博士充。通贊引贊。以奉祀生充。先。

一日遣官及執事官齋。守土官戒辦牲牢器物。其夕。

宰人割牲於廚。守土官公服。眠宰。瘞毛血。如儀。祭日。

昧爽。守土官率祀生入廟陳設。

先師位前。牲帛盥盥。豆尊爵。鑪。鐙。器數。與春秋丁祭同。

設案一於殿中。少西。供祝文。設洗於東階之下。引贊。

二人。竢於大門。質明。執事官豫入就位。均朝服。遣官。

朝服入廟。引贊引自東側門入。詣東階下。盥手。升階。

至階上正中。北面立。通贊贊就位。遣官就拜位立。迎。

神。上香。初獻。讀祝。亞獻。三獻。送神。徹燎。儀節與春秋。

丁祭同。祭畢。引遣官仍降東階。由東側門出。執事官。

各退。

皇帝時巡省方。過魯。遣官一人詣。

闕里。祇告。

師孔子豫期太常寺官具祝文翰林院隨時撰擬香帛授遣官

齋往既至守土官潔備脯醢果實屆日陳設行禮與

太學因事祇告禮同

右因事祭告

皇帝東巡遣官釋奠

先聖周公之禮先期

行在太常寺奏遣正獻官分獻官各一人豫具祝文翰林

院隨時撰擬香帛授遣官齋往前期姬氏子孫率祀生潔

掃廟於內外守土官戒辦牲牢器物備執事人司祝

司香司香司爵通贊引贊均以本族奉祀生及弟子

員充先一日遣官至境乃齋其夕守土官公服祇剖

牲如儀越日昧爽率祀生入廟供具陳

周公位前羊一豕一登一釶二簠簋各二遵豆各八鑪一

鐙二

魯公配位前陳設同設案一於中少西供祝文司祝一

人立於其南設案一於東陳禮神制帛二色白香盤二

尊二爵六冪勺具司香司帛司爵各二人立於案後

設洗於階下之東通贊一人立於門左引贊四人族

於廟大門內均服其服。質明遣官朝服詣廟。引贊二人引正獻官入。二人引分獻官隨入。詣東階下。盥手。升東階至階中。正獻官在前。分獻官在後。均北面。通贊贊就位。引贊分引遣官就拜位立。通贊贊迎。

神司香二人各奉香盤進至正位。配位前立。引贊引正獻官入自闈東詣

周公位前。引分獻官隨入。詣

魯公位前。贊跪。遣官跪。贊上香。遣官上炷香。三上瓣香。與贊復位。遣官均復位立。贊跪叩。與遣官均行二跪。

六叩禮。與通贊贊行初獻禮。司帛各奉篚跪奠於案。

三叩。與司爵各奉爵獻於案。正中皆退。通贊贊讀祝。

引贊贊跪。遣官皆跪。司祝至祝案前跪。三叩奉祝文。

跪案左。讀訖復於案。三叩。與退。引贊贊叩。與遣官均

三叩。與亞獻各奠爵於左。三獻各奠爵於右。如初儀。

通贊贊送

神。引贊贊跪叩。與遣官均行二跪六叩禮。與執事官各奉

祝帛。香由中道送燎。如儀。遣官避立拜位東。俟過。引

贊引遣官視燎。禮畢。引遣官出。執事官皆退。

大清通禮 卷十一
右遣官釋奠周公

皇帝東巡致祭

復聖顏子。

宗聖曾子。

述聖子思子。

亞聖孟子之禮。各遣官一人齋祝文。

翰林院隨時撰擬。香帛分

詣所在專廟行禮。陳設與

京師太學四配每位器數同。祭日有司供具。遣官行禮

如祭

周公廟之儀

右遣官釋奠顏曾孔孟四氏

直省府州縣廟祀

先師孔子。皆以歲春秋仲月上丁行釋奠禮。省會正獻。以

總督若巡撫一人。主之兩序。以布按二司叅政副使

各一人。兩廡以知府同知各一人。祇割牲。省蓋盛。以

叅議僉事等官各一人。糾儀。以教授訓導各一人。司

祝司香司帛司爵司饌。引贊。通贊。引班。以學弟子員

嫻禮儀者執事。在城文武官縣丞千總以上。咸與祭。

班與外朝會同。致齋二日。祭前一日。有司飭廟戶。潔掃殿廡。

內外。既割牲。官公服。詣神廚。祇割牲。如儀。正獻官率

執事人入學。習儀。教官率樂舞諸生入學。習舞。習吹

祭之日。陳設省盞。祀官偕執事人入廟。序位行禮儀

節。均與大學遣官釋奠同。

祝辭曰。維某年月日。某官某致祭於

至聖先師孔子曰。惟

先師德隆于聖道冠百王。揭日月以常行。自生民所未有。

屬

文教昌明之會。正禮和樂節之時。辟雍鐘鼓。咸恪薦於

馨香。泮水膠庠。益致嚴於。遵豆茲當仲春。祇率彝章。

肅展微忱。聿將祀典。以

復聖顏子。

宗聖曾子。

述聖子思子。

亞聖孟子。配尚

饗。

右祝辭

迎神樂奏昭平之章。辭曰。大哉孔子。先覺先知。與天地參。萬世之師。祥徵麟紱。韻答金絲。日月既揭。乾

清夷。

初獻樂奏宣平之章。辭曰。予懷明德。玉振金聲。生民未有。展也大成。俎豆千古。春秋上下。清酒既載。其香始升。舞羽籥之舞。

亞獻樂奏秩平之章。辭曰。式禮莫愆。升堂再獻。響協鼗鏞。誠孚鬯獻。肅肅雍雍。譽髦斯彥。禮陶樂淑。相觀而善。

三獻樂奏敘平之章。辭曰。自古在昔。先民有作。皮弁祭菜。於論思樂。惟天牖民。惟聖時若。彝倫攸敘。至今木鐸。舞均如初。

徹饌樂奏懿平之章。辭曰。先師有言。祭則受福。四海譽宮。疇敢不肅。禮成告徹。毋䟽母瀆。樂所自生。中原有菽。

送神樂奏德平之章。辭曰。鳧澤峩峩。洙泗洋洋。景行行止。流澤無疆。聿昭祀事。祀事孔明。化我烝民。育我膠庠。

右樂章樂舞

崇聖祠同時致祭。正獻以督學使者主之。若按試他郡。則以布政使一人攝。分獻以教諭訓導。執事以學弟子員。餘陳設行禮。並如太學。

崇聖祠祭儀

祝辭曰。惟某年月日某官某。致祭於

肇聖王。

裕聖王。

諡聖王。

昌聖王。

啟聖王。曰。惟

王。奕葉鍾祥。光開聖緒。盛德之後。積久彌昌。凡聲教所覃。敷率循源而溯本。宜肅明禋之典。用申守土之忱。茲

屆仲春。聿修祀事。配以

先賢顏氏。

先賢曾氏。

先賢孔氏。

先賢孟孫氏。尚

饗。

右崇聖祠祝辭

監司分駐各府者。主其地

文廟之祭。他府州縣。以長官爲正獻。其貳及所屬兩序分獻。

崇聖祠。皆教諭正獻。前後兩廡。皆食餼學弟子員。各一人分獻。陳設器數。行禮儀節。與省會同。

右直省府州縣釋奠儀

月朔釋菜。望日。上香。教授。教諭。訓導等官。分班行禮。

與太學同

右朔望釋菜上香儀

直省府州縣附廟左右各建

忠孝。

節孝。

名宦。

鄉賢四祠。歲春秋釋奠禮畢。教諭一人公服詣祠致祭。是日清晨。廟戶啟祠門。拂拭神案。執事人入。陳羊一豕一。邊四豆四。鑪一。鐙二。陳祝文於案左。陳壺一。

爵三。帛一。香盤一。於案右。引贊二人。引主祭官入。詣案前。北面立。禮生自右奉香盤。主祭官三上香。訖。引贊贊跪。叩興。主祭官跪。三叩興。禮生自右授帛。主祭官受帛。拱舉。仍授禮生。獻於案上。禮生挈壺酌酒。實爵。自右跪授爵。主祭官受爵。拱舉。仍授禮生。興。獻於正中。讀祝者。取祝文跪案左。引贊贊跪。主祭官跪。讀祝。辭曰。維某年月日。某官某。致祭於

忠義孝弟之靈曰。惟

靈稟賦貞純。躬行篤實。忠誠奮發。貫金石而不渝。義問宣昭。表鄉閭而共式。祇事懋彝。倫之大。性擊莪蒿。克恭念天顯之親。情殷棣萼。模楷咸推。夫懿德。

綸恩特闡其幽光。祠宇維隆。歲時式祀。用陳尊簋。來格几筵。尚

饗。讀畢。以祝文復於案。退。主祭官俯伏。興。執事者酌酒獻於左。又酌酒獻於右。退。引贊贊跪。叩興。主祭官跪。三叩興。執事者以祝帛送燎。引贊引主祭官出。執事者徹。皆退。各祠致祭儀同。

節孝祠祝曰。維某年月日。某官某。致祭於

節孝之靈曰惟

靈純心皎潔。令德柔嘉。矢志完貞。全閨中之亮節。竭誠致敬。彰閭內之芳型。茹水蘄而彌堅。清操自勵。奉盤匱而匪懈。篤孝傳徽。

絲綸特沛乎殊恩。祠宇昭垂於令典。祇循歲祀。式薦尊醪。

尚

饗。名宦。鄉賢二祠祝文。各省州縣所在異辭。不悉載。

右忠孝節孝名宦鄉賢祠祭儀附

大清通禮卷之十二

吉禮

天神

孟夏常雩後。歲間不一。迺祇告。

天神壇。以祈甘雨。祈而應。則報祀。雨潦祈晴。冬旱祈雪。亦如之。祇告之禮。有司豫日諏吉。遣官一人將事。文武

官應陪祀者。咸與祈禱。同日祇告。地祇。太

歲二壇。各以參之一分祈。翰林院隨備

期各於邸第致齋一日。太常寺具祝文。時撰擬。脯醢果實。潔壇境內外。如告各

壇廟之儀

右諏日致齋供具

祀日五鼓太常寺卿率屬入壇設

雲師。

雨師。

風伯。

雷師。凡四案。於壇正中。南向。每案陳鹿脯。鹿醢。兔醢。棗。

葡萄。桃實。蓮實。其前各設香案。皆鑪一。鐙二。設案一。

於南。少西。供祝版。又東設一案。陳禮神制帛四。色青

一。黃一。白一。香盤四。尊四。虛爵十有二。凡帛異篚。尊實酒。

承以舟。疏布幕。勺具。設洗於階下之東。設燎鑪於內。

壝南左門外。樂部率太常協律郎入。設樂懸於階下。

之南。編鐘在東。祝從。編磬在西。敔從。東應鼓一。麾一。

琴。瑟。笙。簫。箏。壎。篪。搏拊之屬。東西分比。陳樂舞於東。

懸之次。均北面。如式。以次序祀官及執事官位。承祭

官位南階下正中。陪祀官位內壝南門外。東西各五

班。重行異等。東位西上。西位東上。均北面。太常寺司

祝一人。立祝案西。東面。司香四人。司帛四人。司爵四

人立尊案東。西面。典儀一人。立東階下。西面。司樂協律郎。樂工歌工。舞佾。依懸序立。如常位。糾儀。御史二人。禮部祠祭司官二人。分立階上。左右。又御史二人。禮部祠祭司官二人。鴻臚寺官二人。分立陪祀官拜位左右。均東西面。掌燎官率燎人。立燎鑪之東南隅。右陳設序位。

漏未盡。承祭官暨陪祀執事各官。咸素服。詣壇祇。贊引太常寺贊禮郎二人。豫。俟於門。質明。太常寺卿詣

神庫。上香。行禮。太常寺官屬。詣各

神位前。跪三叩。興。奉請入壇。恭設石座內。

雲師。左。

雨師。右。

風伯。次左。

雷師。次右。安訖。跪叩。如初。退。贊禮郎引承祭官。自外壇南左門入。內壇南左門。贊盥洗。承祭官盥手。如儀。引詣階下。鴻臚寺序班。引陪祀官。至內壇南門外。典儀贊樂舞生登歌。執事官各共迺職。武舞執干戚進。贊禮

郎贊就位。承祭官暨陪祀官成就拜位立。典儀贊迎神。司香奉香進至案前祇俟。司樂贊舉迎

神樂。奏祈豐之章。辭曰。雲車馳兮風旆征。雷闐闐兮雨冥

冥。表六合兮穹青。橫大川兮揚靈。紛總總兮來會。穆

予心兮齋明。協律郎舉麾。工鼓祝。樂作。贊禮郎贊升

壇。引承祭官升東階。詣

雲師香案前立。贊跪。承祭官跪。贊上香。司香跪奉香。承祭

官上炷香。三上瓣香。興。次詣

雨師。

風伯。

雷師案前。上香畢。贊復位。引承祭官降階。復位。贊跪叩。興

承祭官暨陪祀官。三跪九叩。興。協律郎偃麾。工戛敵

樂止。凡樂以舉麾鼓祝作。以偃麾戛敵止。後同。

右盥洗就位迎神

典儀贊奠帛。爵行初獻禮。司樂贊舉初獻樂。奏華豐

之章。辭曰。東帛芟芟兮筐篚將。昭誠素兮鬯馨香。瘳

此下民兮侯有望。神垂鴻祐兮未渠央。有司揭尊冪

勺挹酒。實爵樂作。司樂舉節。舞干戚之舞。凡舞以節領之。導引

進退。司帛奉篚。進至各案前。跪。獻於案。三叩。興。司爵
後同。司帛奉篚。進至各案前。跪。獻於案。三叩。興。司爵
奉爵。詣各案北。跪。奠於墊中。皆退。司祝詣祝案前。跪。
三叩。興。奉祝版。跪案左。樂暫止。贊禮郎贊跪。承祭官
暨陪祀官。皆跪。典儀贊讀祝。司祝讀祝。訖。興。以祝版
跪安於篚內。三叩。興。退。樂作。贊禮郎贊叩。興。承祭官
暨陪祀官。行三叩禮。興。樂止。武功之舞退。文舞執羽
籥進。典儀贊行亞獻禮。司樂贊舉亞獻樂。奏興豐之
章。辭曰。疏竅兮再啟。芳齊兮載陳。惠邀兮神貺。福我
兮民人。樂作。舞羽籥之舞。司爵奉爵各奠於左。如初
獻儀。獻畢。樂止。典儀贊行終獻禮。司樂贊舉終獻樂。
奏儀豐之章。辭曰。犧尊兮三滌。旨酒兮思柔。誠無斁
兮嘉薦。神燕娛兮降休。樂作。舞同司爵奉爵各奠於
右。如亞獻儀。獻畢。樂止。文德之舞退。

右三獻

典儀贊徹饌。司樂贊舉徹饌。樂奏和豐之章。辭曰。禮
既成兮孔殷。潔明粢兮苾芬。廢徹兮不遲。至敬兮無
文。樂作。有司徹畢。樂止。典儀贊送。

神司樂贊舉送

神樂奏錫豐之章。辭曰：流形兮露生，苞符兮孕靈。介我稷黍，今曰雨而雨。神之格思，今祀事孔明。樂作贊禮郎贊跪，叩興承祭官暨陪祀官，均行三跪九叩禮。興樂止，典儀贊奉祝帛，送燎司祝跪奉祝，司帛跪奉篚。三叩興，司香跪奉香，興以次恭送燎所。承祭官避立拜位東，俟過復位。典儀贊望燎，贊禮郎引詣望燎位。鴻臚寺引陪祀官退，贊禮郎引承祭官出壇南左門望燎。禮畢，仍由壇南左門出退。太常寺卿添請

神位還

御如奉請儀

右送神燎祝帛

報祀

天神之禮。誼曰致齋。具祝文。翰林院隨時撰擬潔壇壝。如初。先一

日割牲。御史禮部祠祭司官光祿寺大官署正朝服

眡宰。宰人瘞毛血。如各

壇廟常祀儀

右眡割牲

祀日五鼓。太常寺卿率屬入壇。具器陳牛一。羊一。豕

一每案登一。劍一。簋二。籩二。簋十。豆十。鑪一。鐙二。樂部率太常協律郎入。陳設樂懸。及樂舞於階下之南。東西分列。各依其次。如式。祝帛香尊爵陳設。祀官及執事官立位。均與祇告禮同。

右展牲器

陳設畢。太常寺博士引禮部侍郎一人升壇。省祇牲牢盞盛。如各

壇廟常祀儀

右省盞

質明太常寺官恭請

雲雨風雷神位入壇。奉安石座內。承祭官暨陪祀執事各官朝服就位。迎神。初獻。讀祝。亞獻。三獻。徹。送神。視燎。行禮儀節。及樂章樂舞。均與祇告禮同。

右報祀

地祇

歲。孟夏常雩後。如以祈雨祈晴祇告

天神。同日並告

地祇。其報亦如之。祇告之禮。遣官將事。暨文武官咸與所

大清通禮 卷十二
禱前期致齋。太常寺具祝文。備器陳潔壇境內外。如

祀

天神之儀。

右致齋供具

祭日五鼓。太常寺卿率屬入壇設

五嶽。

五鎮。

五陵山。

四海。

四瀆。凡五案。於壇中北向設。

京畿名山。大川。

天下名山。大川。凡二案。於壇左右。東西向。每案薦脯醢。

果實。分陳爵六十。實酒。其前各設香案。皆鑪一。鐙二。

中設一案。少西。供祝版。東設一案。陳禮神制帛十有

六。五嶽。五鎮。皆青。赤。黃。白。黑各一。四海。青。赤。白。黑各一。京畿名山。大川。白。黑各一。香盤四。尊

四。虛爵十有二。西設一案。陳禮神制帛十有一。五陵

白。一。四瀆。各黑。一。天下香盤三。尊三。虛爵九。凡帛每

案同篚。凡尊。實酒。疏布。冪。勺。具。設洗於階下之西。為

瘞坎於內壝北右門外。樂部率太常協律郎入。設樂懸於階下之北。編鐘在西。祝從編磬在東。敵從西。應鼓一麾。一琴。瑟。笙。簫。篪。塤。篪。搏拊之屬。東西分比。陳樂舞於樂懸之次。均南向。如式。以次序祀官及執事官位。承祭官位北階下正中。陪祀官位內壝北門外。東西各五班。均南面。太常寺司祝一人。立祝案西。東面。司香四人。司帛四人。司爵四人。立東案東。司香三人。司帛三人。司爵三人。立西案西。典儀一人。立西階下。東面。司樂。協律郎。樂工。歌工。舞佾。依懸序立。如常位。糾儀御史。禮部祠祭司官各四人。鴻臚寺官二人。分立承祭官陪祀官拜位左右。掌瘞官率瘞人。立瘞坎之西北隅。

右陳設序位

漏未盡。承祭官暨陪祀執事各官。咸素服。詣壇祇俟。贊引太常寺贊禮郎二人。豫俟於門。質明。太常寺卿詣

神庫。上香。行禮。太常寺官屬詣各

神位前。跪。三叩。興。奉請入壇。恭設石座內。

五嶽居中。

五鎮右。

五陵山左。

四海次右。

四瀆次左。均北向。

京畿名山居東。

京畿大川次東。均西向。

天下名山居西。

天下大川次西。均東向。安訖。跪叩如初。退。贊禮郎引承

祭官自外壇南右門入。循壇東入內壇北右門。贊盥

洗。承祭官盥手。引詣階下。鴻臚寺序班引陪祀官。至

內壇北門外。典儀贊樂舞生登歌。執事官各共迺職。

武舞執干戚進。贊禮郎贊就位。承祭官暨陪祀官咸

就拜位立。典儀贊迎。

神司香奉香。以次進至案前。祇奠。司樂贊舉迎。

神樂奏祈豐之章。

樂辭詳見天神壇後仿此。協律郎舉麾。工鼓祝樂。

作贊禮郎贊升壇。引承祭官升東階。詣

五嶽香案前立。贊跪。承祭官跪。贊上香。司香跪奉香。承祭

官上炷香。三上辦香。與次詣

五鎮。

五陵山。

四海。

四瀆。

京畿名山大川。

天下名山大川案前。上香畢。贊復位。引承祭官降階。復

位。贊跪叩。與承祭官暨陪祀官三跪九叩。與協律郎

偃麾。工憂敵樂止。凡樂以舉麾鼓祝作。以偃麾憂敵止後同。

右盥洗就位迎神

典儀贊奠帛。爵行初獻禮。司樂贊舉初獻樂。奏華豐

之章。有司揭尊。幕勺挹酒。實爵。樂作。司樂舉節。舞干

戚之舞。凡舞以節領之。導引進退後同。司帛奉筐。進至各案前。跪獻

於案。三叩。與司爵奉爵詣各案南。跪奠於墊中。皆退。

司祝詣祝案前。跪三叩。與奉祝版跪案左。贊禮郎贊

跪。承祭官暨陪祀官皆跪。典儀贊讀祝。司祝讀祝。訖

興。以祝版跪安於正中篚內。叩如初。興退。樂作。贊禮

郎贊叩。與承祭官暨陪祀官行三叩禮。興樂止。武功

之舞退。文舞執羽籥進。典儀贊行亞獻禮。司樂贊舉亞獻樂。奏與豐之章。樂作。舞羽籥之舞。司爵奉爵。各奠於左。如初獻儀。獻畢。樂止。典儀贊行終獻禮。司樂贊舉終獻樂。奏儀豐之章。樂作。舞同司爵奉爵。各奠於右。如亞獻儀。獻畢。樂止。文德之舞退。

右三獻

典儀贊徹饌。司樂贊舉徹饌樂。奏和豐之章。樂作。有司徹畢。樂止。典儀贊送

神。司樂贊舉送

神樂奏錫豐之章。樂作。贊禮郎贊跪。叩。興。承祭官暨陪祀官。均行三跪九叩禮。興。樂止。典儀贊奉祝。帛。送瘞。司祝跪奉祝。司帛跪奉篚。三叩。興。司香跪奉香。興。以次恭送瘞所。承祭官避立拜位西。俟過。復位。典儀贊望瘞。贊禮郎贊詣望瘞位。鴻臚寺引陪祀官退。贊禮郎引承祭官出境北右門望瘞。禮畢。仍由壇南右門出。退。太常寺卿屬恭請

神位還

御如儀

右送神瘞祝帛

報祭之禮。致齋。具祝文。備器陳。潔壇壝。如初。先一日。割牲。有司眡宰。如祀

天神之儀

右眡割牲

祭日五鼓。太常寺卿率屬入壇。設案如初。每案陳登。銅簠簋。邊豆。鑪。鐙。之數。共牛。羊。豕。各一。與

天神壇同。樂部率太常協律郎陳設樂懸樂舞。各依常次。如式。祝帛。香。尊。爵。陳設。祀官及執事官立位。均與祇

告禮同

右展牲器

陳設畢。禮部侍郎一人升壇。省眡牲牢。盥盛。如報祀

天神之儀

右省盥

質明。太常寺官恭請

嶽。鎮。海。瀆。山。川。神位。入壇。奉安石座內。承祭官暨陪祀執事各官。朝服就位迎神。初獻。讀祝。亞獻。三獻。徹。送神。望瘞。行禮儀節。及樂章。樂舞。均與

天神壇報祀禮同。

右報祭

直省府州縣各建

神祇壇祀

雲雨風雷境內

山川

城隍之神。歲春秋仲月。諏吉致祭。在城文武各官皆與。省會以總督若巡撫主之。若有故以布政使攝。致祭之禮。設案一於壇正中。南向。

雲雨風雷神位。居中。境內

山川神位。左。

城隍神位。右。案陳劍一。簠二。簋二。饗豆各四。案前設俎。

陳羊一。豕一。又前設香案一。陳祝文。香盤。鑪。鐙。西設

一案。陳帛七。尊一。爵二十。有一福酒。胙肉。陳於尊俎

之次。祭祀儀節。祀官及執事官。序位。並如

社稷壇儀。祭日。有司供具。執事人。豫入序立。引班引陪

祭官入。引贊引主祭官入。通贊贊執事者。各司其事。

贊。就位。引主祭官至階下。盥手。就拜位立。陪祭官按

班就東。西拜位立。均北面。迎神。上香。讀祝。行三獻禮。祝辭曰。維某年月日。某官某。致祭於

雲雨風雷

山川

城隍之神曰。惟

神贊襄天澤。福佑蒼黎。佐靈化以流形。生成永賴。乘氣機而鼓盪。溫肅攸宜。磅礴高深。長保安貞之吉。憑依鞏固。實資捍禦之功。幸民俗之殷盈。仰

神明之庇護。恭修歲祀。正但良辰。敬潔豆籩。祇陳牲幣。

尚

饗餘儀節與祭

社稷同。

歲孟夏後。諏吉雩祭。陳設儀注同前。若間不雨。及潦

諏宜祀之辰。具祝文。隨時撰擬備牲牢。籩豆香帛。尊爵。鑪

鐙。守土大吏率屬。素服虔禱。為民請命。行禮儀節。與

常祀同。既應而報。陳設供具。朝服行報祀禮。儀節均

與祈祀同。其各府州縣。歲春秋諏吉致祭。

神祇壇。主祭官陪祭官。暨各執事。並同

社稷牲帛祝號陳設器數及行禮儀節與省會同雩若
祈若報並如省會之禮

右直省神祇祈報

嶽鎮海瀆

皇帝時巡省方必禮其方

嶽若

鎮凡方

嶽

特行

親祭盛典凡

鎮均遣官致祭

親祭方

嶽之禮有司諏吉豫期守土官潔埽廟宇內外先一日

皇帝乃齋扈從王公百官地方文武官應與祭者畢齋

行在太常寺

凡祭祀皆在有司襄贊

具祝文

翰林院隨時撰擬

內閣舍

人恭書如祭

帝王陵寢之儀

右具祝版

天官通前
卷十二
三

眡割牲

帝王陵寢同儀與祭

祭之前夕。守土官各因其方爲瘞坎於廟門之外。工部官張黃幄於廟戟門內之左。鑾儀衛官設洗於幄次。夜分太常寺卿屬率守土官入廟供具陳。

神位前牛一。羊一。豕一。豎一。劍二。簠簋各二。籩豆各十。鑪一。鐙二。設二案。一少西北向。供祝版。一東次。西向。陳

禮神制帛

色各隨其方

香盤一。爵一。爵三。冪勺具。樂部

率太常協律郎設中和韶樂於廟階上。編鐘在東。應鼓一。祝一。麾一。編磬在西。歌一。東西分列。琴四。瑟二。

簫四。篪四。篋二。排簫二。塤二。笙四。搏拊二。如式。乃辨

位設

皇帝拜位於廟內正中。北向。司拜褥官二人立於左。稍後陪祀王公位階上。百官位階下。東西序立。重行異等。均北面。司祝。司香。司帛。司爵。分立祝案。尊。彘之次。司樂。協律郎。樂工。歌工。分立樂懸之次。記注官四人立西階下。東面。御史二人。禮部祠祭司官二人。鴻臚寺官二人。分立王公百官拜位。左右東西面。典儀一人立東階上。西面。掌瘞官率瘞人立於瘞坎之隅。

右供張陳設序位

鑾輿出行官儀與祭帝王陵寢同

駕至廟不陪祭守土官跪迎

皇帝於大門內降輿右贊引左對引太常寺卿二人恭導

皇帝由戟門中門入至幄次少候出盥手鑾儀衛官跪奉

盥奉巾如儀司拜褥官豫布拜褥贊引對引官恭導

皇帝陞中階入殿中門詣拜位前立內大臣侍衛止立階

下後扈大臣隨侍鴻臚寺官引陪祭王公百官按班

均就拜位序立典儀贊樂工登歌執事官各共通職

贊引奏就位

皇帝就位立

右盥洗就位

典儀贊迎

神司香奉香進至香案前祇候司樂贊舉迎

神樂奏祈豐之章樂辭方嶽不協律郎舉麾工鼓祝樂作

贊引奏就上香位暨對引官恭導

皇帝詣香案前立對引官至祝案前止立贊引奏上香司

香跪進香

皇帝上炷香三上辨香畢奏復位恭導

皇帝復位立奏跪拜興

皇帝行二跪六拜禮王公百官均隨行禮協律郎偃麾工

憂敵樂止凡樂以舉麾鼓祝作偃麾憂敵止後同

右迎神

典儀贊行初獻禮有司揭尊寡勺挹酒實爵司樂贊舉初獻樂奏華豐之章樂作司帛奉篚司爵奉爵以

次詣

神案前司帛跪獻篚奠於案三叩興司爵立獻爵於壺中

畢皆退司祝詣祝案前跪三叩奉祝版跪案左樂暫

止贊引奏跪

皇帝跪羣臣皆跪贊讀祝司祝讀祝訖興以祝版跪安於篚內叩如初興退樂作贊引奏拜興

皇帝率羣臣行三拜禮興樂止典儀贊行亞獻禮司樂贊

舉亞獻樂奏興豐之章樂作司爵奉爵獻於左如初

獻畢樂止典儀贊行終獻禮司樂贊舉終獻樂奏儀

豐之章樂作司爵奉爵獻於右如亞獻儀樂止

右三獻

典儀贊徹饌。司樂贊舉徹饌。樂奏和豐之章。樂作。有

司徹畢。樂止。典儀贊送

神。司樂贊舉送

神樂。奏錫豐之章。樂作。贊引奏跪拜。興。

皇帝率羣臣行二跪六拜禮。興。樂止。典儀贊奉祝帛送瘞。

司祝。司帛。詣

神位前咸跪。三叩。司祝奉祝。司帛奉篚。司香跪奉香。興。以

次恭送瘞所。

皇帝轉立拜位旁。西向。司拜褥官。俟過。仍布拜褥。復位。立。

右徹饌送神瘞祝帛

祝帛出。贊引奏禮成。暨對引官恭導

皇帝降中階。出中門乘輿。還

行宮。如祭

帝王陵寢回鑾之儀。

右禮成還行宮

東嶽樂章

迎神辭曰。資元氣兮鎮青陽。鼓橐籥兮孕靈祥。行時
令兮東巡。式展禮兮誠將。

初獻辭曰。金壇肅穆兮黼帷張。瑟黃流兮茅縮漿。昭

誠素兮舉初觴。神斯陟降兮格馨香。

亞獻辭曰。日觀兮鷄鳴。天門兮鳳翔。犧尊兮再獻。維神兮降康。

終獻辭曰。禮齊兮三薦。金牒兮輝煌。申至敬兮無所。鑿子誠兮齊莊。

徹饌辭曰。瞻石閭兮在墜。實籩豆兮大房。黍稷兮非馨。明德兮是將。

送神辭曰。禮成兮孔臧。神駕兮龍驤。膚寸而合兮觸石而起。彌於六合兮降福穰穰。

中嶽樂章

迎神辭曰。維靈嶽兮正中央。展時巡兮洛之陽。虔望秩兮懷柔。儼對越兮神光。

初獻辭曰。石闕岩堯兮鳴鳳翔。奏瑤笙兮肅裸將。初奉筭兮陳篚筐。至誠昭格兮福無疆。

亞獻辭曰。潁水兮安怡。緱嶺兮青蒼。黃琮兮告薦。椒醕兮芬芳。

終獻辭曰。香升兮華黍。三滌兮嘉觴。答靈響兮嵩門。

登萬寶兮咸昌。

徹饌辭曰。三臺蔚兮峻極。二室鬱兮相望。告徹兮維時。懷德兮靡忘。

送神辭曰。雲車兮龍驤。仰止兮高閭。玉漿含滋兮金璧呈瑞。配天作鎮兮長發其祥。

右樂辭

遣官致祭方

鎮之禮太常寺具祝文。

翰林院隨時撰擬

香帛授遣官齋往祭所。

守土官豫期潔掃廟宇內外。戒辨牲牢器物。備執事

人。司祝司帛司香司爵。以府州縣佐貳官通贊。以教

諭訓導。引贊以學弟子員充先祭一日。遣官暨執事

官齋。其夕宰人割牲於廚。地方官州若縣一人公服

眡宰。瘞毛血如儀。祭日昧爽。守土官率僕人入廟供

具陳

神位前。牛一。羊一。豕一。登一。劍二。簠簋各二。籩豆各十。鑪

一。鐙二。設案於左。陳禮神制帛。色各隨其方香盤一。尊

一。爵三。設案一於中。少西供祝版。設洗於階東。引贊

二人。俟於門。質明。執事官豫入就位。均朝服。遣官朝

服詣廟。引贊引入詣東階下盥手。升階。至階中北面。通贊贊就位。遣官就拜位立。贊迎。

神引贊引遣官入殿左門詣香案前。贊跪。遣官跪。贊上香。司香跪奉香。遣官上炷香。三上辦香。與贊復位。遣官復位。贊跪。叩興。遣官行二跪六叩禮。通贊贊行初獻禮。司帛奉篚跪。獻於案。三叩興。司爵奉爵。奠於正中。皆退。贊讀祝。引贊贊跪。遣官跪。司祝進至祝案前跪。三叩奉祝版。宣讀訖。復於案。叩如初。興退。贊叩興。遣官行三叩禮。興。通贊贊行亞獻禮。司爵奠爵於左。贊行終獻禮。司爵奠爵於右。均如初儀。贊送。

神引贊贊跪。叩興。遣官行二跪六叩禮。興。通贊贊奉祝帛。送瘞。執事官各奉祝帛。香由中道送瘞。如儀。遣官避立拜位東。俟過復位立。引贊引遣官視瘞。禮畢。引遣官出。執事官皆退。

右方鎮遣祭

時巡所經。輦路三十里內。名山。

大川遣官各一人致祭。太常寺具祝文。翰林院隨時撰擬。香帛。

授遣官齋往祭所。守土官豫期潔掃廟宇。備品物。及執事人。祭日陳設行禮儀節。與遣祭方

鎮禮同。

右祭所過名山大川

皇帝將濟

大川。守土官豫於岸治壇。設案。以紙爲神位式。書神號。奉設案上。陳果盤五。爵三。香盤一。鑪一。鐙二。皇帝親詣上香。其日黎明。贊引對引。太常寺卿二人豫於壇外祇埃。太常寺司香一人豫於香案傍祇埃。司拜

禱官豫奉拜禱於案前祇埃。均公服。

皇帝御補服乘輿詣壇。導從扈衛如常儀。及壇降輿。司拜禱官豫布拜禱於正中。退。贊引對引恭導。

皇帝詣香案前。司香跪進香。

皇帝上炷香。三上辨香。畢。贊引對引恭導。

皇帝就位。三拜興。出壇登舟。司拜禱官徹拜禱退。

右時巡所過大川上香

直省

嶽鎮海濱逢

國家有大

慶典。遣官分詣致祭。祭

東嶽泰山於泰安。

西嶽華山於華陰。

中嶽嵩山於登封。

南嶽衡山於衡山。

北嶽恒山於渾源祭。

東鎮沂山於益都。

西鎮吳山於隴。

中鎮霍山於霍。

南鎮會稽山於會稽。

北鎮暨無閭山於廣寧。

長白山於船廠祭。

東海於掖。

西海於永濟。

南海於番禺。

北海於混同江祭。

河瀆於永濟。

江瀆於成都。

淮瀆於唐。

濟瀆於濟源。凡祭皆因廟行禮。惟西海北海河瀆長白山。

望祭。

右祭所

豫期有司諏遣官吉日。太常寺具禮神香祝。祝辭具載於後

制帛各一。五嶽五鎮四海帛青赤黃白。送禮部各加

封題分授遣官詳載。

帝王陵寢徧祭儀。遣官至所祭地。守土官潔壇廟。具牲牢。

器物備執事人。遣官暨執事官齋。祭日有司供具陳。

設。上香讀祝。行三獻禮。並如徧祭。

帝王陵寢之儀。

右因事徧祭

東嶽祝曰。維某年月日。

皇帝遣某官某。致祭於

東嶽之神曰。惟

神。上應奎婁。下臨渤海。震方表極。萬彙資生。茲以某事。爰

申殷薦。特遣專官。

神其鑒焉。

西嶽曰惟。

神秀聳蓮花。氣涵清灑。金天應位。功茂西成。

中嶽曰惟。

神位宅天中。德標峻極。陰陽和會。八表具瞻。

南嶽曰惟。

神軫翼分躔。朱明應位。功隆長養。永奠炎方。

北嶽曰惟。

神秀挺幽燕。靈承畢昴。朔方雄長。翊衛京畿。

東鎮曰惟。

神虛危垂曜。泰岱分雄。表正青齊。發生品彙。

西鎮曰惟。

神西隴垂庥。玉峰競秀。倅尊二華。綏奠金方。

中鎮曰惟。

神天柱標奇。龍嶽孕秀。分雄嵩室。樞紐寰中。

南鎮曰惟。

神靈毓防山。秀臨越水。海江襟帶。靜鎮南邦。

北鎮曰惟。

大青通禮

神聳秀遼河。標雄長嶺。鍾祥積慶。拱衛留都。
長白山曰。惟。

神祥發地靈。運開天作。肇基王迹。屏翼神京。
東海曰。惟。

神潤被芳瀛。波涵員嶠。萬川流注。百谷朝宗。
西海曰。惟。

神德配金方。靈昭兌澤。太皞施功。神州廣濟。
南海曰。惟。

神德協離宮。潤流南極。汪洋炎嶠。浩瀚無垠。
北海曰。惟。

神布濩北溟。涵濡坎德。滋生育物。澤普無方。
河濱曰。惟。

神發源宿海。衍派崑崙。環繞六州。潤逾千里。
江濱曰。惟。

神岷嶴分源。潯陽衍派。周流潤化。水德靈長。
淮濱曰。惟。

神桐柏疏源。江河利涉。旋樞地穴。通濟東南。
濟濱曰。惟。

神源分沈水。功截河流。潛伏地中。清而不濁。餘辭並同。東嶽。

右徧祭祝辭

直省

嶽鎮海濱。所在歲春秋仲月。守土正官一人詣廟致祭。執事以禮生。祭日用羊一豕一。餘陳設及行禮儀節。與慶典遣官禮同。

右所在專祭

所在

名山

大川著靈異。於民有捍禦功者。奉

特典。遣專官。或

崇建廟宇落成。

降香。以部筆帖式一人齋往。守土官就廟致祭。祝文翰林院隨時撰擬。餘陳設儀節並同前。

右所在特祭

直省所在山川有

封號建立專祠者。守土官以時致祭。每歲春秋祭。

雞公山神於永興。

大沽海口神於天津。

永定河神於蘆溝橋及石景山。

滹沱河神於正定及平山。

大通口神於安東。

洞庭湖神於巴陵。

江海潮神於海寧。

鄱陽湖神於鄱陽。

黃運龍神於武涉及清河之清口。

漳河神於臨清及館陶。

衛源神於輝之百泉。

介休水神於介休。

河東鹽池神於安邑。

鹽井龍神於定遠及姚州。

泉源神於鬱林。

大渠龍神於寧夏。

河源神於河州口外。

青海神於塞外。九月九日祭。

海陽山神於興安六月朔日祭

鎮海龍神於鎮海凡祭日有司具祝文飭廟戶潔埽祠
宇拂拭神案備執事人具器陳羊一豕一簠簋各二
籩豆各十鑪鐙具陳祝文於案左陳帛一香盤一壺
一爵三於案右主祭官朝服詣祠引贊禮生二人引
入拜位前立乃迎

神司香自右奉香盤進主祭官三上香訖引贊贊跪叩
興主祭官行三跪九叩禮興司帛自右跪授帛主祭
官受帛拱舉授司帛興獻於案司爵酌酒實爵自右

跪授爵主祭官受爵拱舉授司爵興獻於正中退司
祝跪讀祝引贊贊跪主祭官跪讀祝畢主祭官行三
叩禮興司爵酌酒獻於左又酌酒獻於右退乃徹饌
送

神引贊贊跪叩興主祭官行三跪九叩禮興執事者以
祝帛送燎禮畢各退各祠儀同

右直省山川專祠

海陽山神於癸亥六月朔日祭

奠存室神於海。凡祭日。有司具祝文。飭廟戶潔掃。

公直省山。瓜專師入。具器陳羊一。豕一。饗盃各一。

厥昂。送。剌。豐。畢。答。髮。各。麻。兼。同。左。陳。帛。一。香。盤。一。香。

輒。臣。贊。贊。輿。叩。與。主。祭。官。行。三。祝。次。叩。顛。與。持。事。者。以。

送

叩。顛。與。后。爵。酒。酌。醴。飲。次。又。酌。酒。醴。飲。次。又。髮。次。始。齎。

厥。輿。輿。臣。贊。贊。輿。主。祭。官。跪。顛。畢。主。祭。官。行。三。

祝。對。備。主。祭。官。受。爵。共。舉。對。后。爵。與。醴。飲。五。中。遂。后。

